


楚紀

三十三之六

十一




樹節

漢書門			
二〇	八	五三	類
冊	架	函	號

內閣文庫			
八	八	漢	
函	八	書	
三	五		
一	〇	三	類
架	冊	號	

內閣文庫			
番號	漢	8853	
冊數	29 (11)		
函號	288	168	



楚紀卷之三十三

皇明賜進士經筵日講同脩 國史奉直大夫前翰林院侍講學士臣廖道南謹撰

漢書文庫

樹節內紀前篇

惟人之行曰孝與忠孝當諭志忠必蹇躬禮義

為坊廉介為墉烈士樹節哲夫秉恭終焉允臧


胥協厥中撰樹節內紀前篇

石奢 荏善

石奢楚賢士也昭王使為理廷有殺人者奢追之則

其父也遂反于廷曰殺人者僕之父也以父成政

不孝不行君法不忠弛罪廢法而伏其辜僕之所



守也伏斧鑕待命王曰追而不反庸有罪乎子其
治事奢曰不私其父非孝也不行君法非忠也以
死罪生非廉也君赦之上之惠也臣不敢失法下
之行也遂伏斧鑕而死

莊善楚人也白公勝為亂善辭其母將死之母曰棄
其親而死其君可謂義乎善曰吾聞事君者內其
祿而外其身今所以養母者君之祿也身安得無
死乎遂辭而行比至公門三廢車其僕曰子懼矣
善曰懼者吾私也死義吾公也君子不以私害公
及公門自刎而死

史南曰孟子有言所欲有甚於生所惡有甚於
死夫死生亦大矣石奢為父殺人而已為司理
則死之莊善辭母赴難而身為社稷則死之於
乎後之聞風而興者若趙苞之全城文天祥之
死國非有見於死生之際者其孰能之贊曰為
子死孝為臣死忠石奢司理遑恤其躬莊善辭
母義由厥衷命曰樹節以激頽風

申鳴

申鳴楚申叔時之族也事親以孝聞楚王欲授之相
鳴辭不受其父曰王欲相汝何辭為鳴對曰舍父

之孝子為王之忠臣何也父曰有祿于國立義于庭吾無憂矣於是鳴遂入朝王授之位居三年白公勝為亂殺子期子西鳴將往死之父止之曰棄父而死可乎鳴曰仕者祿歸於親身歸於君今既事君得不死其難乎遂辭而往以兵圍之白公語石乞曰申鳴勇吾其若之何乞曰申鳴孝往劫其父鳴必從白公劫其父告鳴曰子與吾楚其分之子不與吾父其死矣鳴流涕曰始吾父之孝子也今吾君之忠臣也吾聞食不食者死其事受其祿者畢其能吾已不得為父之孝子矣獨不能為君

之忠乎援桴鼓之白公奔縊其父亦死王賞之百金鳴曰食君之食避君之難非忠也定君之國殺臣之父非孝也名不可兩立行不可兩全遂自殺

史南曰申鳴曷為者也其父遣之仕就仕矣而祿歸于親其君遇於難死難矣而身歸于君非見義必為而殺身以成仁者乎何申氏之多賢也贊曰申氏多賢叔鳴貽穀包胥復楚秦庭痛哭申鳴之德温其如玉白公劫之死亦何速名所當全義不可辱

司馬奮揚

田贊

司馬奮揚楚城父司馬也初費無極讒太子建于楚
王曰建與伍奢將以方城外叛王執伍奢使城父
司馬奮揚執太子三月太子奔宋王召奮揚曰誰
告建也對曰臣告之王命臣曰事建如事予臣不
佞不能苟貳奉初以還不忍後命故遣之王曰而
敢未何也對曰使而失命召而不來是丹奸也王
宥之

田贊楚人也嘗衣儒衣而見王王曰先生衣何惡也
贊曰有甚於此者王曰可得聞乎對曰衣無惡於
甲者冬日則寒夏日則熱王好衣人以甲臣竊不
取也意者為其義耶甲兵折人之首剗人之腹墮
人城郭係人子女其名尤甚不榮意者為其貴耶
苟慮害人人必害之苟慮危人人必危之王無以
應

史南曰以臣觀于楚而悲讒人之亂國也驪姬
讒晉而申生縊趙高讒秦而扶蘇死江充讒漢
而戾太子亡豈惟費無極為然哉奮揚既告建
以出奔又躬犯王而諭之可謂不愧厥職矣田
贊以匹夫而申長喙其言雖殊要亦志可則也

贊曰世子國本 震繼離蚤諭擇賢人保出師
無極之讒奮揚勿欺以死守職夫復何嗟田贊
謫諫其事亦奇

熊宜僚

巴曼子

熊宜僚荆志繫于江陵初白公勝為亂欲殺子西謂
石乞曰市南有熊宜僚者若得之可當五百人石
乞告之固辭承之以劍不動勝曰不為利誘不為
威惕捨之

巴曼子荆志載為巴東人曼子初為巴國將請師於
楚許以三城楚業已救之使人取其城曼子曰彼

楚之靈克濟于難可持吾首以償城不可得也遂
自刎使者持首以獻楚王王曰使吾得臣如曼子
者需城何為乃以上卿之禮葬之

史南曰臣讀莊子雜篇云宜僚弄丸兩家難解
此之謂不言之辯也及觀巴曼則又隕首以全
城孟子所謂壯士不忘在溝壑勇士不忘喪其
元者非耶贊曰宜僚弄丸莊周稱奇持劍不動
死貞自持曼子全城確不可移上卿禮瘞楚亦
重之

卞和

左伯桃
羊角哀附

卞和襄志載為宜漳人嘗得璞玉于荆山獻之楚武
王王使玉人相之曰石也刖其左足成王即位又
獻之曰石也刖其右足文王立和乃抱璞泣于荆
山使玉人理其璞得寶玉焉名曰和氏之璧

左伯莖羊角哀其先燕人聞楚王善待士乃入楚值
天雨雪糧少伯莖乃併與哀令往事楚自餓死手
空桑中哀至楚為上大夫乃言于楚平王以上卿
禮葬伯莖于荊州諸里村角哀自殺從之

史藹曰臣讀少宰何燕泉案垢論有云和獻璞
而兩遭刖璞累之也少師李西涯樂府云山探

雪寒路坎坷兩死無如一生可嗟乎和之刖為
君也莖之死為友也為君寧完玉不殘其體為
有寧完名而傷其生漢人所謂蘭以香自焚膏
以明自煎其然乎贊曰和之為君獻玉亡身哀
之為友隕首完名玉雖可棄其中則珍名雖可
追厥義惟均

周章

何駟

周章字次叔隨人也初仕郡為功曹時大將軍竇憲
封冠軍侯就國章從太守行春到冠軍太守猶欲
謁之章進諫曰今日公行春豈可越儀私交且憲

椒房之親勢傾王室退就藩國禍福難量明府剖符大臣千里重任舉止進退其可輕乎太守不聽升車章前拔佩刀絕馬鞅乃止憲被誅公卿以下多交關得罪太守幸免以此重章舉孝廉六遷為五官中郎將延平元年為光祿勳永初元年代魏霸為太常其冬代尹勤為司空是時中常侍鄭眾蔡倫等秉執豫正章數直言和帝崩鄧太后以皇子勝有痼疾欲立殤帝章以眾心弗協密謀誅鄧騭兄弟而立平原王事覺章自殺

史南曰臣觀東漢諸臣至周章木嘗不泫然悲

之夫鄧騭以椒房之寵居元舅之位而又假廢立之權章雖身宅司空其勢踈其情睽乃欲妄希霍光上踵陳蕃其不覆餗者幾希然而人品之殊志向之正則又不可以成敗論也

何顥字伯求襄鄉人今屬棗陽顥少遊洛陽郭林宗賈偉節與相友善顯名太學友人虞偉高有父讐未報篤病將終顥往候之語故雖為復之及陳蕃李膺坐錮顥以疇昔交盟遂為中常侍所構乃易姓名匿汝南間所至皆親其豪傑有聲荆豫之城袁紹慕之私與往來結為奔走友顥嘗入洛陽值

黨禍起從紹商確濟援困阨有被掩捕者廣設權
計俾獲免咎者甚衆及黨錮解辟顯司空府每三
府集議多推顯長董卓秉政逼顯為長史辭不就
乃與司空荀爽司空王允等共謀誅卓會爽薨顯
以他意為卓所繫憂憤卒初顯一見曹操知其異
志嘗稱荀彧王佐之器後彧為尚書令遣人西迎
叔父爽并顯屍葬之爽冢側

史南曰曷繫乎何顯也始屢澤于郭泰終輿尸
于荀爽而袁紹王允俱以豪傑之資共圖匡復
之計卒之大奸播弄名士被夷三國鼎分六朝

郵遞皆起於此有識者寧不為長太息乎贊曰
章舉孝廉為光祿勳力抵權璫受讒殺身顯解
黨禍保全善人卒遭董卓憂憤不平於乎造化
豈其忌名

虞悝

弟望
易雄附

虞悝長沙人敦尚廉信為鄉黨所稱與弟望俱好臧
否人倫少仕州郡兄弟更為治中別駕元帝為丞
相招延四方士多辟府掾時人謂之百六掾望亦
被召不應譙王承臨州知其名檄悝為長史適遭
母喪王敦作逆承往弔悝因留與語曰吾前被詔

遣鎮此州正以王敦專授防其遺禍今敦果為逆謀茲受任一方欲率所領馳赴朝廷而衆少糧乏且始臨州恩信未著卿弟兄為南夏翹雋智勇遠聞古人墨經即戎况鯨鯢寒路王室危急安得遂罔極之情忘忠義之節乎即今起事將士器械其可以濟對曰王敦居分陝之任一且構逆圖危社稷人神共憤大王不以猥劣枉駕訪及惺兄弟並受國恩敢不自奮今天朝中興人思晉德况以宗子之親奉信順誅有罪孰不荷戈致命但鄙州荒憊糧竭艦少難以進討宜且收衆固守傳檄四方

其勢必分然後圖之事可捷也承以為然乃命惺為長史望字都為司馬督護諸軍湘東太守鄭澹敦之姊夫也以其弗狎遣望討之望率衆一族直入郡斬澹以徇及魏人來攻望每先登力戰而死城破惺復為人所執將害之子弟號泣惺謂曰人生有死闔門為忠義鬼亦何恨哉及王敦平贈惺襄陽太守 榮陽太守遣謁者至墓祭以少牢易雄字興長瀏陽人少為縣吏脫幘掛縣門而去因習律令及施行故事交結豪右州里稍稱之仕郡為主簿張昌亂執太守萬嗣將斬之雄與賊爭論

曲直賊怒叱雄斬之雄趨出自若賊三問之雄對
如初賊乃舍之由是獲免雄遂知名舉孝廉為州
主簿遷別駕自以門寒不宜久處上津棄官家居
後為春陵令刺史譙王承既距王敦將謀起兵以
赴朝廷雄承符馳檄遠近列敦罪惡宣募縣境數
日之中有衆千人負糧荷戈而從之承既固守值
湘中殘荒城孤兵闕敦遣魏人李恒攻之雄勉厲
所統扞禦累旬士卒死傷相枕力屈城陷為人所
虜意氣慷慨神無懼色至武昌敦遣人以檄示雄
而數之雄曰此實有之惜雄位微力弱不能救則

之難王室如燬雄安用生今日得作忠鬼乃所
也敦憚其辭正釋之衆人皆賀雄笑曰作夜夢乘
車掛肉夫肉必有筋筋者斤也車傍有斤吾其戮
乎敦尋殺之見者莫不傷惋

史南曰臣讀長沙志列惺雄于忠節傳夫忠莫
大於勤王節莫大於殺身故求忠臣必于孝子
求節士必于仁人惺以母喪棄衰經而赴難雄
以邑吏冒矢石而隕身要亦慷慨一節之士也
贊曰王敦構逆謀傾晉室虞惺兄弟抗言不屈
易雄起義羽書馳檄視死如歸其心匪石

陳邁

弟適

陳邁字亨伯其先自江寧徙永州宋時登進士知華縣有治績魏尹將之奇馮京許將交薦之知雍丘縣遭父祐甫憂畢喪起廣西轉運判官蔡京啓覺蠻徼邁言蠻人幸安靜輕擾之則召亂不測京惡之以他事罷歸旋知商州興元府入為駕部金部員外郎張商英柄政用為左司員外郎俄擢給事中會商英免相蔡疑攝封駁力沮止之邁懼請外以直秘閣為河北轉運使加直龍圖閣徙陝西召還京師而蔡京復相再使河北徙淮南徽將易置

發運使命選諸道計臣有閱者執政以邁言京曰職卑不可用願更選帝命除集英殿脩撰使往京乃不敢言遂為副使未幾陞為使朝廷方督綱餉運渠壅溢邁使決呂城陳公兩塘達于渠漕路甫通而朱勔花石綱塞道官舟不得行邁捕繫其人上章自劾乃黜勔進邁徽猷閣待制宣和七年冬方臘亂詔以屬邁邁言臘始起青溪衆不及千今脅從已過萬人又有蘇州石埭歸安陸行兇皆聚黨應之東南兵弱勢單士不習戰必未能滅賊願京劄兵糧增平糶程以來則蜂起愚民

不至滋蔓帝悉行其言加龍圖閣直學士經制七
 路治于杭時縣官... 贏... 於是始有經總制錢名又言妖賊陵暴恣行殺戮
 斷截肢體採取肺肝熬以昇油射以勁矢溝壑
 毒不... 極積... 不除必更... 兼... 以私錢...

坐黜杭經巨寇河渠室前守數請于朝皆以勞費
 輟後溝以冬月檄真揚潤楚諸郡凡守備網卒悉
 集治所先是閉牐群卒率凍餓不自聊聞命相率
 用命治河不兩月畢杭人利焉徙河北都轉運使
 進延康殿學士歷知中山真定河間府欽宗立加
 資政殿學士積官至光祿大夫復為真定守又徙
 中山金人再至溝冒圍入城堅守詔康王領大元
 帥命溝為兵馬元帥受圍半年外無援師京都既
 陷割兩河求和溝第光祿卿適至中山臨城諭旨
 溝遙語曰主辱臣死吾兄弟平居以名義自處寧

當賣國家為囚孥乎適泣曰兄但盡力勿以弟為念
遘呼總管使盡括城中兵擊賊總管辭遂斬以徇
又呼步將沙振往振亦固辭遘固遣之振怒且懼
衰及入府遘妾定奴責其輒入振立殺之遂害遘
於堂及其子錫并僕妾十七人長子鉅以官淮南
獲免振出帳下課而前曰大敵臨城汝安得殺吾
父執而粹裂之身首無餘城中無主乃開門出降
金人入見其屍曰南朝忠臣也歛而葬諸鐵柱寺
建炎初贈特進遘性孝友寬厚任部刺史二十年
每出行郡邑必焚香祈天願不逢貪濁吏薦王
安中呂頤浩張慤謝克家何鑄皆至公輔世以為
知人適由開封少尹衛尉少卿至光祿是役也金
人執之以北後十年死於雲中

史南曰臣讀陳邁傳未嘗不泫然悲之夫金兵
犯蹕若蹈無人之境而邁乃堅守孤城躬罹血
刃弟適亦死於雲中可謂兄弟雙節不負名家
真能許國爾矣詩有之不自我先不自我後可
勝惜哉贊曰宋室南遷康王建國陳邁握兵勤
王奮烈金人長驅汴河堙塞城孤無援以死自
訣兄弟偕難世稱雙節

陳求道

陳求道字得之鄂州咸寧人登進士第靖康間判都水監及朝議二帝出郊請和求道力爭之不聽欽宗知康王兵衆求道請以元帥加之齎蠟書者八人皆遇害惟求道所薦劉定致書還金人立張邦昌下令在京官不朝者死求道稱疾不往嘔血累日開封尹親以邦昌命召之竟不能屈求道以二帝蒙塵屢欲自殺因救得免先是陳留河決四十餘日漕運不通京城大恐開封尹宗澤命求道治之七日河盡復故道建炎四年命為相鄧隨郢鎮

撫以奏兵食不給待命未行自咸寧挈家就食嘉魚值亂兵起迺之蒲圻寓龍堂僧寺未久招撫劉忠叛一夕數千人糜至驅求道家還嘉魚至茗山逆旅具酒食奉求道為主將南走湖湘求道正色厲辭賊怒殺求道妻蔡并二子符佺必欲從已求道罵愈厲賊斫其口拔出舌斷之獨符子凱竄山谷得免賊退始得求道屍瘞于興陂

史南曰臣攷蒲舊志以求道為他途人也及攷宋史具得其實且興陂在今雪峰之東石潭之上而茗山蜿蜒遙相望焉求道其不死矣乎贊

曰茗山石嶠峨峨可觀與陂石阬泚泚自寒求
道之節山崖水瀾骨瘞不朽血染猶丹

李庭芝

李庭芝字祥甫其先汴人十二世同居號義門李氏
徙隨之應山縣金亡襄漢被兵又徙隨州特以武
顯庭芝生時有芝產屋棟遂名少穎異日能誦數
千言王旻守隨庭芝年十八告諸父曰王公貪不
恤下人多怨之隨必亂請徙家德安以避諸父勉
從未浹旬旻果為部曲挾之以叛隨民死者甚衆
庭芝得鄉舉不行以策干荆帥孟珙請自劾珙善

相人且夜夢車騎稱李尚書謁明日庭芝至珙見
其魁偉顧諸子曰吾相人多無如李生者名位當
過我時四川有警即以庭芝權建始縣庭芝至訓
農治兵選練壯士民知戰守善馳逐無事則植戈
而耕兵至則悉出而戰夔帥下其法於部行之淳
祐初舉進士辟珙幕中主管機宜文字珙薦庭芝
於賈似道珙卒庭芝感珙知己扶柩葬之興國即
棄官歸為珙行三年喪似道鎮京湖起為制置叅
議移鎮兩淮與似道議柵清河五河口增淮南烽
一百二十繼知濠州復城荆山以備淮南皆中機會

至慶元間似道宣撫京湖留庭芝權揚州尋奏知
峽州趙與憲為淮南制置使李應庚為叅議官應
庚發兩路兵城南城大暑中暍多死李壇窺其無
謀奪連水三城渡淮奪南城鄂兵解庭芝丁母憂
去朝議擇守揚者帝曰無如庭芝乃奪情尋主管
兩淮制置司庭芝再破壇兵殺壇將厲元帥夷南
城而歸明年復敗壇于喬村破東海石圃等城又
明年壇降徙三城民於通泰間又破蘄縣殺守將
庭芝初至揚遭火廬舍盡徽州賴鹽為利而亭戶
多亡公秘蕭然庭芝悉貸民負逋假錢使為屋官

民居皆具鑿河四十里入金沙餘慶場以省車運
兼浚運河放亭戶負鹽二百餘萬鹽利大興始平
山堂瞰揚城元兵至則構望樓其上張車弩以射
城中庭芝乃築大城包之募汴流民實之有詔命
為武銳軍又夫脩學為詩書俎豆習射禮郡中有
水旱即發廩賑之劉槃自淮南入朝帝問淮事槃
對曰李庭芝老成謹重軍民安之今邊塵不驚百
度具舉皆委任得人之效也咸淳五年此兵圍襄
陽急夏貴入援大敗虎尾州范文虎總諸兵再入
又敗文虎以輕舫遁兵亂士卒溺漢水死冬命庭

芝以京湖制置大使督師援襄陽文虎聞庭芝至
貽書似道除文虎福州觀察使其兵從中制之文
虎日縱美妾走馬擊毬軍中為樂明年六月漢水
溢文虎不得已始一出師未至鹿門中道適去庭
芝數自劾請代不允竟失襄陽陳宜中請誅文虎
似道芘之止降一官知安慶府而貶庭芝及部將
蘇劉義范友信廣南庭芝罷居京口未幾元兵圍
揚州制置印應雷暴死即起庭芝制置兩淮庭芝
請分淮西夏貴而已得專力淮東從之十年築清
河口詔以為清河軍十二月元兵破鄂詔天下勤

王庭芝首遣兵為諸道倡德祐元年春似道兵潰
蕪湖沿江諸郡無一人能守者庭芝率所部郡縣
城守有李虎者持招降榜入揚州庭芝誅虎焚其
榜總制張俊出戰持孟之縉書來招降庭芝焚書
梟俊五人於市而日調苗再成戰其南許文德戰
其北姜才施忠戰其中時出金帛牛酒燕犒人為
死鬪朝廷亦以督府金勞之加庭芝叅知政事七
月以知樞密院事徵入朝徙夏貴知揚州貴不至
事遂已十月元丞相伯顏入臨安留元帥阿木軍
鎮江以遏淮兵阿木攻揚久不拔乃築長圍困之

冬城中食盡明年二月赴濠水死者日數百衆爭
割啖之宋亡謝太后及瀛國公為詔諭之降庭芝
登城曰奉詔守城未聞有詔諭降也已而兩宮至
瓜洲復詔庭芝曰北詔知納欵曰久未報豈未悉
吾意尚欲固圍邪今吾與嗣既已臣伏卿尚為誰
守庭芝不答命發弩射使者斃一人餘皆退去姜
才出兵奪兩宮不克復閉城守三月夏貴以淮西
降阿木驅降兵至城下以示之旌旗蔽野幕客有
以言覘者庭芝曰吾一死而已阿木使者持詔來
招降庭芝開壁納使者斬之焚詔俾上已而知淮

安州許文德知盱眙軍張思聰知泗州劉興祖皆
以糧盡降庭芝猶括民間粟以給兵雜牛皮麩藥
以給之兵有烹子而食者猶日出苦戰七月阿木
請赦庭芝焚詔之罪使之降有詔從之庭芝亦不
納是月益王遣使以少保左丞相召庭芝庭芝以
朱煥守揚與姜才將兵七千人東入海至泰州阿
木將兵追圍之朱煥既以城降驅庭芝將士妻子
至泰州城下俾將孫貴胡惟孝等開門降庭芝聞
變赴蓮池水淺不得死被執至揚州朱煥請曰揚
自用兵以來積骸滿野皆庭芝與才所為不殺何

本館藏書
卷三十三
俟於是斬之揚之民皆泣下

史南曰李庭芝初受孟珙之知奮然特立為宋室萬里長城雖以兀术之強賈似道之奸而不能加損於其中可謂篤信守死天植其性者矣視唐之睢陽平原又何以加焉贊曰阿木大舉中原陸沉全城守義曾幾何人庭芝不屈為國亡身睢陽平原與爾為隣

邊居誼

邊居誼隨人也初事李庭芝積戰功至都統制咸淳十年以京湖制置帳前都統守新城居誼善御下

得士心凡戰守之具治皆有法大兵至沙守將王大用不降麾兵攻城破之執大用呂文煥意其小壘可不攻而破居誼率舟師拒之文煥列沙陽所斬首招降不從明日縛大用至壁下使呼曰邊都統急降不然禍即至矣居誼不答又射榜檄入壁中居誼曰吾欲與呂叅政語耳文煥聞之以為居誼降已馳馬至伏弩亂發中文煥者三併中其馬馬仆幾鈎得之衆挾文煥以他馬奔走越三日總制黃順挾一人開東門走降明日使順來招之居誼曰若欲得新城耶吾誓以死守此何可得也順

又呼其部曲欲縋城出居誼悉驅以入當門斬之
文煥乃麾兵攻城以火具却之旋蟻附而上居誼
乃取其家金盡散將士往來督戰會暮破侵戰樓
樓火延燬民居居誼度力不支走還第拔劔自殺
赴火死丞相伯顏壯其勇購得其屍燼中觀之事
聞贈利州觀察使立廟死所

史南曰邊居誼習聞庭芝之危節力拒文煥之
巨敵獨守孤城委質不貳其可謂忠貞爾矣易
有之王臣蹇蹇匪躬之故居誼以之贊曰居誼
烈士萬變如常惟知有國當立紀綱文煥奸雄
胡乃招降拔劔刎血廟祀馨香

楊大異

楊大異字同伯唐天平節度使漢公之後十世祖祥
避地醴陵因家焉祥事親孝親亡哀毀泣盡繼以
血廬墓終身有白芝白烏白兔之瑞事聞于朝褒
封至孝公賜名木植墓道以旌其孝大異從胡宏
受春秋登嘉定十三年進士第授衡陽主簿有患
政調龍泉尉攝邑令適歲饑提刑司遣吏和糴米
二萬石于邑米價頓增民乏食大異即以提刑司
所糴者如價發糴民甚德之提刑趙與憲大怒拮

其罪弗得坐以方命移安遠尉邑有峒寇擾民官
兵致討積年弗獲檄大異往治之大異以一僕負
告身自隨肩輿入賊峒傳呼尉至賊露刃成列以
待徐諭以禍福皆伏地叩頭願改過自新留告身
為質偕其渠魁數輩出降以功遷吉州戶曹改廣
西經幹復以彌盜賞除四川制置司叅議官此兵
入成都大異從制置使丁黼巷戰兵敗身披數創
死闔門皆遇難詰旦其部曲竊往瘞之大異復蘇
負以逃獲免進朝奉郎宰石門縣就除通判溧陽
攝州事皆有惠政去官之日老弱攀號留之大異

易服潛去擢知登聞鼓院遷大理寺丞平反冤獄
者七召對極言時政得失迺宰相意出知澧州理
宗曰是四川死節更生者楊大異耶論事剴切有
用之材也何遽出之對曰是人尤長於治民命予
節進直祕閣提點廣東刑獄兼使事時常平司逋
負山積械繫追索姦蠹百出大異與之約悉縱遣
之負者如期畢輸吏無所容其姦訪張九齡曲江
故宅建曲江書院以祀之改提點廣西刑獄兼漕
庾二司所至姦吏屏息寇盜絕迹凡為民興利除
害者必奏行之復建宣成書院祀張栻呂祖謙廣

海幅員數千里道不拾遺報政為最未六十即丐致仕不允章四上除祕閣修撰太中大夫提舉崇禧觀醴陵縣開國男食邑三百戶賜紫金魚袋歸里第與居民無異學者從之講肄諄諄相與發明經旨條析埋學食祠祿者二十四年卒年八十二子霆霖

楊霆字震仲以父大異蔭補將士即銓試第一授修職郎桂嶺主簿有能聲五中漕舉改鄂州教授遷復州司理叅軍轉鼎澧觀察推官擢知監利縣縣有疑獄歷年不決霆未上廉得實立決之人稱神

明辟荆湖制置司幹官呂文德為帥素慢侮士常試以難事霆倉卒立辨皆合其意一日謂曰朝廷有密旨出師策應淮東誰可往者即對曰某將可司兵器糧草其管可備器甲矢石口占立授頃刻案成文德大驚曰吾平生輕文人以其不事事也公材幹如此吾何敢不敬密薦諸朝除通判江陵府江陵雄據上流表裏襄漢西控巴蜀南扼湖廣兵民雜處庶務叢集霆隨民裁決處之泰然暇日詣郡庠與諸生講學又取隸官閒田增益廩稍選民之强壮者於農隙訓練之時付以器械雜兵行

律習親閱試行賞以激勸之未幾能擐甲騎射遂
皆獲用而兵不復擾民丁內艱德祐初起復奉議
郎湖南安撫司叅議與安撫使李芾協力戰守霆
有心計善出奇應變帥府機務芾一以委之城初
被圍日夜守禦數日西北隅破霆麾兵巷戰抵墓
堦築月城比旦城復完策厲將士以死守之城既
破霆赴水死妻妾奔救無及遂皆死

史南曰大異負氣剛果秉心塞淵祀張九齡于
曲江張栻呂祖謙于宣城生死一節可謂難矣
子霆初被父蔭發身即署繼受呂文德之辟悉

心兵務厥後與李芾同心守城巷戰赴水死難
豈人謀之弗滅乎噫天之不祚宋也賈曰春秋
名義死事必書大異受學浩氣自如子霆死難
不變厥初天不祚宋日月居諸

李芾

李芾字叔章其先廣平人中徙汴高祖起家為吏
有廉名靖康中金人破汴以刃迫之升前捍之與
其父俱死曾祖椿徙居衡州遂為衡人芾生而聰
警少自樹立名其齋曰無暴棄魏了翁一見禮之
謂有祖風易其名曰肯齋初以蔭補南安司戶辟

祁陽尉出賑荒即有聲攝祁陽縣縣大治辟湖廣
安撫司幕官時盜起永州招之歲餘不下芾與叅
議鄧垌提千三百人破其巢禽賊魁蔣時選以歸
餘黨遂平攝湘潭縣縣多大家前令束手不敢犯
芾稽籍出賦不避貴勢賦役大均入朝差知德清
縣屬浙西饑芾置保伍民活數萬計遷主管酒庫
德親有妖人煽亂民蜂起附之至數萬人遣芾討
之盜聞其來衆立散歸除司農寺丞歷知永州有
惠政永人祠之以浙東提刑知温州州瀕海多盜
芾至盜息遂以前官移浙西時浙東亦多盜群穴

文廟中芾跡得其出沒按捕之盜亦駭散作虎丘
書院以祠尹焞置學官親為學規以教之學者甚
盛咸淳元年入知臨安府時賈似道當國前尹事
無鉅細先關白始行芾獨無所問福王府有迫人
犯者似道力為營抹芾以書往復辯論竟寘諸法
立杖之似道大怒使臺臣黃萬石誣以賊罪罷之
大軍取鄂州始起為湖南提刑時郡縣盜擾民多
奔竄芾令所部發民兵自衛縣與一阜幟令曰作
亂者斬幟下民始帖然乃號召發兵擇壯士三千

人使土豪尹奮忠將之勤王別召民兵集衡為守
備未幾似道兵潰蕪湖乃復芾官知潭州兼湖南
安撫使時湖此州郡皆已歸附其友勸芾勿行芾
泣曰吾豈昧謀身哉第以世受國恩雖廢棄中猶
思所以報者今幸用我我以家許國矣時所愛女
死一慟而行德祐元年七月至潭潭兵調且盡游
騎已入湘陰益陽諸縣倉卒召募不滿三千人乃
結溪峒蠻為聲援繕器械峙芻糧柵江修壁命劉
孝忠統諸軍吳繼明自湖北至陳義陳元自戍蜀
歸芾奏請留之戍潭推誠任之皆得其死力元右

丞阿里海牙既下江陵分軍戍常德遏諸蠻而以
太兵入潭芾遣其將於興帥兵禦之于湘陰興戰
死九月再調繼明出禦兵不及出而元軍已圍城
芾慷慨登陴與諸將分地而守民老弱亦皆出保
伍助之不令而集十月兵攻西壁孝忠輩奮戰芾
親冒矢石以督之城中矢盡有故矢皆羽敗芾命
括民間羽扇羽立具又苦食無鹽芾取庫中積鹽
席焚取鹽給之有中傷者躬自撫勞日以忠義勉
其將士死傷相藉人猶飲血乘城殊死戰有來招
降者芾殺之以徇十二月城圍益急孝忠礮風不

能起諸將泣請曰事急矣吾屬爲國死可也如民
何芾罵曰國家平時所以厚養汝者爲今日也汝
第死守有後言者吾先戮汝除夕大兵登城戰少
却旋蟻附而登衛守尹穀及其家人自焚芾命酒
酌之因留賓佐會飲傳令猶手書盡忠字爲號飲
達旦諸賓佐出叅議楊霆赴園池死芾坐熊湘閣
召帳下沈忠遺之金曰吾力竭分當死吾家人亦
不可辱於俘汝盡殺之而後殺我忠伏地扣頭辭
以不能芾固命之忠泣而諾取酒飲其家人盡醉
乃偏刃之芾亦引頸受刃忠縱火焚其居還家殺

其妻子復至火所大慟舉身投地乃自刎幕屬茶
陵顏應焱安仁陳億孫皆死潭民間之多舉家自
盡城無虛井縊林木者累累相比繼明等以城降
陳毅潰圍將奔閩中道戰死事聞贈端明殿大學
士謚忠節芾初至潭遣其子裕孫出曰存汝以奉
祀也其孫輔叔時亦親迎於溫皆得不死二王悉
認入閩官之芾爲人剛介不畏強禦臨事精敏姦
猾不能欺且強力過人自旦治事至暮無倦色夜
率至一鼓始休五鼓復起視事望之凜然猶神明
而好賢禮士即之溫然雖一藝小善亦惓惓獎薦

之平生居官廉及擯斥家無餘貲大學士李東陽
撰忠節祠記其辭曰春江澹兮冥冥悲風起兮洞
庭靈之來兮揚舲載風旂兮駕霆駢胡馬兮如雲
奮前擊兮我軍寧為宋鬼兮生不為胡彼雄而烈
兮千百其徒朝鶴跨兮水濱莫猿啼兮木下莽空
城兮落日痛三戶兮南楚楚之水兮荆之山靈之
去兮奄復還酬桂酒兮三酌潛餘淚兮沈瀾余懷
兮何極公之亡兮誓天日芬菊蘭兮蕉荔神享祀
兮終吉

史南曰臣嘗于役星沙謁祠莫醑登陴訪蹟父

老猶垂泣述忠節事嗟乎為臣死忠固分內事
也若其闔族冒刃自主將以至捷兒無弗奮激
就義者匪其疇昔血誠有以固結其心乃克茲
拔熊湘之泔嶽麓之濱與忠節相為無疆爾矣
贊曰熊湘浩渺嶽麓峻嶒忠節扞城闔族自焚
裨將以下就戮如奔天明地察可鑒忠魂

尹穀

尹穀字耕叟長沙人性剛直莊厲初處郡學士友皆
嚴憚之宋以詞賦取士季年惟閩浙賦擅四方穀
與同郡邢天榮董景舒歐逢泰諸人為賦體裁典

雅每一篇出士爭學之由是湘賦與閩浙頡頏中
年登進士第調常德推官知崇陽所至廉正有聲
丁內艱居家教授不改儒素日未出授諸生經及
朱氏四書士雖有才思而不謹飭者擯不齒諸生
隆暑必盛服端居終日夜滅燭始免巾幘早作必
冠而後出雖行市中市人見其舉動有禮相謂曰
是必尹先生門人也詰之果然晚入李庭芝制幕
用薦擢知衡州需次于家潭城受兵帥臣李芾禮
以爲參謀共畫備禦策時城中壯士皆入衛臨安
所餘軍僅四百五十人老弱大半芾糾率民丁獎

勵以義人殊死戰三月城不下大軍斷絕險要
兵不至穀知城危與妻子訣曰吾以寒儒受國恩
典方州誼不可屈若輩必當從吾死耳召弟岳秀
使屈以存尹氏祀岳秀泣而許之已乃積薪扃戶
朝服望闕拜先取歷官告身焚之即火自焚隣家
挾之火熾不可前但於烈焰中遙見穀正冠端笏
危坐闔門少長皆死焉芾聞之命酌穀曰尹務實
男子也先我就義矣務實穀號也初潭士以居學
肄業爲重州學生月試積分高等升湘西嶽麓書
院生又積分高等升嶽麓精舍故潭人號爲三學

生聚居州學猶不廢業穀死諸生數百人往哭之城破多感激死義者

史南曰臣觀長沙志以尹穀為長沙人尹耕叟為善化人不知尹穀字耕叟明載元史以一人而分屬二邑豈理也執然其大節直氣與嶽麓增高與湘江埤深故人爭附之以希寵靈焉爾矣

顏應焱茶陵人舉進士授迪功郎初授瀏陽尉尋攝醴陵潭帥李芾復薦為湖南安撫節判德祐乙亥元兵圍潭州應焱悉力比眾守之七月援兵不至

丙子正月城將陷應焱謂芾曰事勢至此奈何芾曰吾甘守死請自為計芾死應焱亦赴水死

陳億孫安仁人宋咸淳四年舉進士官潭州安撫參議潭帥李芾死億孫死之

贊曰尹穀有道諸生竦敬臨難不避見危授命應焱越水億孫待燼忠不貳心數窮天定

范天順

張順

張貴

范天順荆湖都統也襄陽受圍天順日夕守戰尤力及呂文煥出降天順仰天歎曰生為宋臣死當為宋鬼即守處縊死贈定江軍承使制曰賀蘭擁兵

坐視睢陽之失李陵失節重為隴士之羞今有人
焉得其死所不可無褒恤以示寵綏范天順功烈
雖卑忠義莫奪自均房泛舟之後克濟為艱襄樊
坐甲之師益堅所守俄州刺史為降將軍爾乃不
屈自縊可謂見危致命封其妻宜人官其二子仍
賜白金五百兩田五百畝

張順民兵部將也襄陽受圍五年宋闖知其西北一
水曰清泥河源於均房即其地造輕舟百艘以三
舟聯為一舫中舟裝載左右舟則虛其底而掩覆
之出重賞募死士得三千求將得順與張貴俗呼

順曰矮張貴曰竹園張俱智勇素為諸將所服俾
為都統出令曰此行有死而已汝輩或非本心宜
亟去母敗吾事人人感奮漢水方生發舟百艘稍
進圍山越二日進高頭港口結方陳各船置火槍
火砲熾炭巨斧勁弩夜漏下三刻起碇出江以紅
燈為識貴先登順殿之乘風浪徑犯重圍至磨洪
灘以上北軍舟師布滿江面無隙可入衆乘銳凡
斷鐵絙攢杙數百轉戰百二十里黎明抵襄城下
城中久絕援聞救至踊躍氣百倍及收軍獨失順
越數日有浮屍溯流而上被介冑執弓矢直抵浮

梁視之順也身中四槍六箭怒氣勃勃如生諸軍
 驚以為神結家歛葬立廟祀之張貴既抵襄襄帥
 李文煥力留共守貴恃其驍勇欲還郢乃募二士
 能伏水中數日不食使持蠟書赴郢求援北兵增
 守益密水路連鎖數十里列撒星椿雖魚蝦不得
 度二人遇椿即鋸斷之竟達郢還報許發兵五千
 駐龍尾洲以助夾擊刻日既乃別文煥東下點視
 所部軍洎登舟帳前一人亡去乃有過被撻者貴
 驚曰吾事泄矣亟行彼或未及知復不能銜枚隱
 迹乃舉砲鼓噪發舟乘夜順流斷絕破圍冒進衆

皆辟易既出險地夜半天黑至小新城大與邀擊
 以死拒戰沿岸東火列炬火光燭天如白晝至勾
 林灘漸近龍尾洲遙望軍船旗幟紛披貴軍喜躍
 舉流星火示之軍船見火即前迎及勢近欲合則
 來舟皆此兵也蓋郢兵前二日以風水驚疑退屯
 三十里而大兵得逃卒之報據龍尾洲以逆待勞
 貴戰已困出於不意殺傷殆盡身被數十槍力不
 支見執卒不屈死之乃命降卒四人昇尸至襄令
 於城下白識矮張乎此是也守陴者皆哭城中喪
 氣文煥斬四卒以貴附葬順冢立雙廟祀之

史南曰范天順守貞不回張順張貴特立不懼
褒詞與漢水並輝廟祀與鄖山爭重千載而下
讀其傳尚有生氣况即其人乎贊曰彼三良兮
義氣張兮雷霆號號日星光兮山岳嶸嶸川精
藏兮萬古不死廟疆場兮

楚紀卷之三十三

楚紀卷之三十四

皇明賜進士經筵日講同脩國史奉直大夫前翰林院侍講學士臣廖道南謹

樹節內紀後篇

姚善

周籍

姚善字克一今鍾祥人初姓李復姓姚家居魚寨為
人志行淳實學識高遠為諸生時扁讀書所曰待
旦軒會稽唐之淳為之銘善工詩與唐相唱和洪
武中由鄉舉歷祁門丞同知廬州重慶所至有能
聲歲戊寅擢知蘇州府

高皇帝軫吳民熏染夷俗習為僭靡命善明法以齊

之囂者或更籍持短長賊譎蜂起踴難理善洞達
政體周悉人情張弛寬密各協事宜數造請郡賢
考求治道商畧民生休戚俗尚淳漓以施因革由
是吏民顧尚禮義轉稱大治為列郡取隱士王賓
獨居陋巷善往候見舍車徒步詣門賓問為誰應
曰姚善乃開門延語及賓報謁而府門再拜而返
善自邀還辭曰非公事不敢入也又將候韓奕奕
避入太湖善嘆曰韓先生所謂名可聞身不可得
見也將往候錢芹乃使人先道意芹對使者曰芹
誠幸見公然芹民也禮不可往見于庭苟明公弘

下士之風請候月朔胥會于學宮善如期至迎芹
置上坐請質經義芹曰公今有官守請姑舍是事
有急於此者善問何事芹出一簡以授善竟不交
一言而去視之則守禦制勝之策也善心嘉之後
薦為行軍司馬越己卯靖難師起善畫策勤王與
有勞焉壬午京師平時黃子澄走匿善所索之急
約善航海善曰在公則可在善則不可善守土之
臣當與同亡子澄去未幾善竟犬節長子節發戍
賀縣千戶所幼子繼兒蘇州隨母給配保兒項兒
送工部習匠善以六月二十二日送問七月受戮

時年四十三

史商曰臣昔借黃佐撰遺忠錄云燕師日迫建文君與方孝孺議用漢破六國之策貶齊黃于外善言于朝曰有文武才略可以扶顛濟危不宜置之散地今事勢狼狽須急召之詢其姓名不對再三詢之則曰於今人才豈有過於黃大卿哉遂復召二人皆不至是善亦嘗在內也然其詳不可考矣正德丙子巡撫都御史秦金祀之鄉賢祠秦泉博雅君子其言豈欺我哉

周縉字伯紳武昌人以歲貢入胄監初授永清縣典

史居官廉謹歲餘攝縣事方境內多盜捕治有法不濫及平民一縣皆安是歲旱蝗不為災俄而兵起守令相率迎降永清地尤近縉極力為拒守計顧其民寡弱相率逃散自度不能為佩印南奔將他圖焉道聞繼母之喪還家以禮喪畢乃糾義旅為勒王舉戰纜戎器數日畧具亡何聞南師燔而天命去矣遂去匿編氓間已而事露有司即其家械赴京師縉自分必死慷慨就行至則文皇帝特壯其志下之獄久之謫戍興州蓋從輕典也居數年以其子代還屏跡田園年八十而卒按

革除錄壬午十月丁巳吏部奏前北平所屬州縣
官朱寧等二百一十九人靖難之際俱棄職遠避
宜賓諸法命入粟贖罪畢發興州屯戍蓋是時非
徒縉一人也吳文定公寬為縉傳且曰以媿世之
為丁公而幸免者嗟呼縉亦足予也哉

史南曰臣攷諸吳志不載善之死難及閱遺忠
錄乃見其被戮始末夫以善之屈已下賢訪王
賓韓奕錢片握手論心咨策宣猷視古杖杜之
愛緇衣之勤何以踰焉舍生取義殺身成仁無
愧古人也已縉謫伏邊地屏居田野終身訢然

永錫難老其亦有足尚者乎贊曰

成祖有言食祿盡心為臣死忠殺身誠仁姚善天牧
周縉尉臣犬各為主遺論可評

鄺楚

鄺楚字孟質宜章人父子輔為句容學官楚少事泰
和王敬先學有本原永樂己丑登進士試政都察
院奏己拜監察御史時

文皇帝行在北京有言鈔法不行者眾謂將起大獄
命楚往南京廉其事楚執市豪撓法者奏曰市人
聞令皆震恐今法已行矣

上領之而罷倭寇犯遼東楚往按問戍守之失律者
凡百餘人皆應死楚開陳其可矜狀

上宥之山海關吏卒邀阻行人亡逃則受賂縱之去
弊積滋甚楚歸至關悉擒治抵罪丙申北京營造
執役者累鉅萬

上念有病者命醫藥又慮其奉行不謹命楚察之楚
躬履其地時其藥食病者多不死戊戌石州人有
詣關告變者州民與陝人群聚千餘謀不軌廼擢
楚為陝西按察副使楚至白其誣

上命士弗問而誅其造誣者宣德己酉陝右饑楚巡

歷其... 粟... 之民... 古禮... 銀印... 行六... 吏... 二司... 而... 止... 所以崇國體也宜定體式庶如古

京師人從之楚以爲德爲務凡鎮
田稅約束有負與之或曰禮法得
人爲多以待會集而民不擾
歲大熟麥有兩岐者民歸德于楚悉相帶之
改元進兵部左侍郎即時西部有警楚獨任其事
上嘉其才判相民多誠我伍楚亦與特除籍以示
優寵時京師又兩暴民室廬焚竊甚以爲險診兵
又上疏以爲安內靖外在於統兵取衆在乎必
邊方知所司兵禦寇四海之廣豈無如古孫

霍者儻苟不豫求於無事之時何以應用於倉卒
之際宜令公侯伯五府并各營把總官在外都布
按三司巡按御史廣詢博訪各舉所知果有出奇
料敵堪以統馭或膂力騎射堪以馳突或善撫士
卒堪以裨贊機務者各隨所長具以名聞托有不
効連坐舉主如此則將帥得人兵政修舉矣
上聽其議先是麓川用兵楚舉定西侯蔣貴為將以
往卒賴有功歲已巳虜酋也先入寇警報日至楚
又言及刺虜酋自其父脫歡時吞併阿虜台部落
益以强大而西北一帶戎夷被其驅脅無不服從

附節切已後

惟兀良哈三衛不服也先又親率人馬分道掩殺
自茲北漢東西萬里無敢與抗前歲也先嘗欲俟
我邊將送彼使臣出境乘間搶殺及分遣人馬於
甘肅寧夏諸鎮約期入寇仰賴

皇上深燭其姦豫勅嚴備又命蔣貴等統率精兵巡
邊卒破其謀今率其醜類遠離巢穴沿邊窺探煙
火不絕宜令各營練選軍馬令智勇頭目管領整
飭器械於虜使北旋之日命將統領往宣大兩鎮
駐操增我軍果敢之氣消彼虜覬覦之心又京師
官軍修城摘撥工作逾歲宣令養威蓄銳遇警調
用則思患可豫防矣是歲秋七月也先深入逼近

畿輔

上親征出居庸關駐龍虎臺壘扈從乘馬或勸少憩
于懷來城堦以馬革囊尸自誓是月壬寅

車駕次雞鳴山癸卯次萬全峪是夕金星犯亢甲辰
次懷安是夕黑氣四塞乙巳次天城丙午次陽和
是夕火星犯上丁未次聚樂驛戊申次大同庚戌
次雙寨中官王振蔚州人邀幸其第辛亥次滴水
岩壬子次洪州癸丑次白登王振迫挾進兵成國
公朱勇膝行聽命

車駕尋次宣府虜踵至桀上言請疾驅入關嚴兵為
殿王振力沮之皆不報又詣行殿申前請振怒曰
汝腐儒安知兵事再言必死桀曰我為

社稷生靈而言胡為以死懼哉振愈怒叱左右扶出
桀與戶部尚書王佐相對泣帳中明日師覆桀死
之年六十五贈少保官其子儀為主事桀為人端
謹居官勤慎所至有冰檠聲羊采凜然履宦四十
年操履如一日性至孝在陝西時得父書拜而跪
讀之嘗以俸錢易絨褐奉父其父封還以書責之
桀思欲見父與僚友謀請為鄉試考官其父曰豈

有子廉訪而父典文衡乎其忠義之訓所繇來遠
矣王文端公銘其墓曰允毅鄭公逢時之隆學古
入官荐躋顯庸執法在朝為名御史再陞外臺其
行愈偉京兆堂堂百僚所瞻惟少司馬戎律有嚴
遂陟夏卿君子所重噫其逝矣云胡不慟人道之
大曰義與仁仁義不違何愧於心

史南曰昔人謂死天下事易成天下事難夫苟
有利於社稷死之可也方桀為京尹則正體統
之紊居司馬則運籌畧之勞可謂成天下事矣
卒之扈從巡邊慷慨就死身膏草野名照旂常

血染檀盧貌圖麟閣死有重于泰山者非楚之
謂耶賈曰晉之懷愍宋之徽欽受辱胡虜貽羞
悞庭惟我

英皇濬哲文明天地垂祐宗社錫靈楚之死難光照
汗清

劉儁

何忠

馮貴

易先

劉儁字子奇江陵人父從政感異夢書儁字是夕生
遂名儁幼為落不羈讀書日記數千言既壯志益
堅言若不出諸口遇事剖決有方洪武乙丑進士
歷陞兵部尚書永樂丙戌日南于紀擇廷臣有全

材者總督軍務儁受命運籌夜以繼日師壓賊境
罔弗克捷

上深嘉之未幾餘孽稍聚復為邊患遣儁同大將軍
英國公張輔平之儁曰此行當以死報國抵化州
親犯矢石所至輒出奇制勝一日至大安海口遇
颶風大作揚沙走石莫辨南北進退無據長吁曰
天乎夷賊背天我實奉天遭時如此豈天未欲邊
民平治哉且戰且行後軍弗前勢孤援絕遂陷賊
中賊挑之曰若順我共享富貴保全爾生儁厲聲
曰逆賊弗共戴天殘害我生民擾害我邊疆我奉

命行訶不肆誅戮特用撫安以彰

聖天子好生之德爾乃罔悛復勞天討今日之危氣
數耳戲使之指復焉曰堂堂華夏衣冠大臣豈為
爾狗鼠輩屈耶天兵復至爾輩噍無遺類耳遂遇
害

上聞之痛悼命招復葬之贈榮祿大夫柱國少傅謚
忠愍官其子奎為給事中弟傑永樂二年以經明
行修授吏科給事中彈劾無所避出補雲南布政
司叅議

何忠字廷臣江陵人永樂辛卯進士拜監察御史后

官廉慎情正莫敢于以私嘗上封事忠以疾家居
群僚以所言示之忠為增損皆切於事情後以
直出知政平州蒞州治事民心翕然安之雖深徼
蠻酋素頑獷者亦樂於趨命適征交南軍敗績賊
乘勝進逼城下人心洶懼成山侯王通詭謀與和
給賊謂朝廷宥爾罪賊引兵退乃豫遣家人山壽
秦事被執至是賊黨頭目陳謂老等奉表謝恩通
遂遣千戶杜勝與謂老同入朝冀以達之
行在請益兵征勦途出昌江內使徐訓泄其謀忠等
遂為拘留賊數以甘言誘令從已忠拒之益力以

刀鋸臨之忠瞑目視賊大罵曰我

天朝臣子恨不斬汝以歸報朝廷肯從汝求生耶罵
不絕口又以刃逼勝勝亦不屈忠賊詩以死自誓
云萬里邊城受困時腹中懷奏請王師紅塵失路
關山遠白日懸心天地知歿向南荒應有日生歸
北闕定無期英魂不逐西風散願共天戈殄叛夷
忠父子及勝俱死之事聞

宣廟深悼之命官致祭贈廣西南寧府同知謚曰忠
節

馮貴字孟敬武陵人洪武庚辰進士拜兵科給事中

性剛直風稜嚴峻出補交趾叅議遭喪以夷酋
利叛奪情理事陞本司叅政多贊方畧屢著奇勳
與黎利對戰奮不顧身力不能支乃曰忠臣事君
有死無二今力屈矣當死何疑洪熙元年贈交趾
左布政使姪維字文綱正統乙丑進士授刑部主
事終廣西叅政

易先湘陰人初以國子生授交趾諒山知府在郡多
善政蠻人信服秩滿還朝郡民相率詣巡臺保留
特命復其位進階三品黎利叛陷諒山城先嬰城
固守闔家同死事聞贈廣西右叅政

史南曰臣觀荆志所紀劉忠愍及何忠節事語多近俚及攷諸國史乃得其詳而馮貴易先後先死難夫以交南匿詐黎利倡亂向之勤勲銅柱馳聲富良者不獨荷戈挽弓之士為然自劉何而下若吾蒲江潮宗為三江府判亦毅然就歿焉豈非忠義在人心綱常在天下有弗容於已者乎贊曰炎海浩茫銅柱嵯峨英國之勲何如伏波劉雋不二何忠靡他馮貴易先忠貫星

黃英

賀興隆

劉廣

王聰

王憲

漆承受

黃英醴陵人元末階脩武校尉統兵克復武昌載餉安慶率眾歸附

高皇帝命充先鋒守江陰扼張士誠討樅陽戰役于陣贈武畧將軍追封江夏縣男

賀興隆安化人元末率鄉子弟為兵庚子為陳友諒參軍甲辰歸附

高皇帝命仍其官徐達取辰沅興隆從征有功武昌既平陞授湖廣行省參政征未附州郡克之寶慶賊周文貴復叛興隆戰歿褒贈立祠祀之命有司歲以六月八日致祭李文正公撰傳

劉廣羅田人洪武中以軍功為指揮僉事守永平有
膽畧善用雙刀嘗病殆語人曰吾當臨陣死王事
安能居牖下死兒女手乎後胡騎入寇廣率四十
餘騎與遇於城北力戰死之事聞遣使護喪至京
賜其家楮幣以葬

王聰蘄水人性謹畏且膂力過人隸籍北平遇

文皇帝靖難師起聰多戰功累封武城侯後征北虜
陣死贈漳國公謚武毅

王忠字克誠襄陽人其先自南鄭徙居永樂二年襲
寬河衛千戶扈從

文皇帝北征戰歿于三全口贈都督子信襲

漆永受蒲圻人永樂八年十月己卯交趾平以獲賊
首簡定功陞交州衛千戶賜金五鎰二百錠後死
于黎氏之難今其孫書襲天津衛千戶

史南曰夫死生之際大矣孔子曰志士仁人無
求生以害人有殺身以成仁孟子曰所欲有甚
於生所惡有甚於死是故成仁者君子立身之
大節也賀興隆劉廣王忠漆永受際

龍飛之運負鷹揚之勇既獲利見于天以協風雲之
會又復血戰于野以堅冰霜之操故特書之以激

勵夫純綺者派嗟乎天下無事庸人高枕而有
餘天下有事武夫奔馳而不足彼若人者其可
高枕無事而不思枕戈待旦也執贄曰烈夫枕
戈壯士控弦射鵰于林斬賊于淵黃賀與劉草
昧稱賢二王禦虜勒功燕然感氏之勲銅柱有
焉

向壽福

向廷芳

向紹榮附

向壽福施州人至正間從征襄漢以功授行樞密院
判歷同僉樞密院守鐵築城時明玉珍據蜀

高皇帝遣蔡哲諭之其子明昇復令偽丞相戴壽攻

城壽福死之

向廷芳壽福從子同從兄景仁征襄漢有功廷芳授
夔路總管隨劉平章征新達戰死景仁領其衆隨
守鐵築城陷死之

向紹榮施州人元末召集鄉民守禦本州城池大將
劉應寶奏署元帥府事明玉珍據重慶屢招紹榮
不應玉珍將呂萬戶來攻城紹榮敗之執呂萬戶
時副元帥譚登覃川隆密受偽命釋呂萬戶以城
降紹榮耻之遁入蠻中不知所終

史南曰初明玉珍據蜀改元德壽

高皇帝屢遣蔡哲招諭王珙死于昇立復侵施夔向
氏乃能內附

真主外扞勅敵壽福廷芳父子死難而紹榮不屈遁
跡終身孔子欲居九夷而曰言忠信行篤敬蠻
貊之邦行矣於乎豈惟可行于其邦其人固亦
有烈丈夫天如三雄者執春秋之法夷狄而中國
則中國之是亦激勸之微權也

汪洪

汪洪字克容厥考勝為營繕所丞
英宗試其能特授順天府經歷錫之初命成化元年

洪舉京闈第一入明年登羅倫榜進士授戶部主
事歷員外郎中值北虜入寇羽檄旁午遣申官
汪直威寧伯王鈇統兵出征動調主客軍馬不下
數十萬時邊鄙歲饑糧餉數匱乃勅洪往同都御
史何喬新督理轉輸直倚勢開釁而鈇亦喜功洪
處之裕如斟酌損益區畫攸當本兵上其績

憲宗嘉之曰爾洪持廉秉公夙夜匪懈勞勩迭著朕
用爾褒錫賚有差乃陟為山東叅議時冢宰尹旻
縱子貪賄洪力拒之旻乃譖之汪直遂左遷知蜀
綿州州歲大旱暴骸遍野洪捐已俸設為湯粥陳

之四門又多方勸賑賴以全活者甚衆既乃躬視
土宜疏濬水源創修石磨七堰既田數千頃自是
旱澇攸濟民庇其利為立生祠先是都御史張瓚
開置壩底諸堡以通茂州洪至徃理戎務歸至石
泉土酋突出洪倚壩控弦與酋交射為流矢所中
墜偏橋之懸崖居人每于陰雨月夕見其乘馬如
生立祠祀之四川志及絲州志列洪名宦死于閩
王坡先是有蕭銘者衡陽人逐寇至遂州大壩力
戰而死

史南贇云於戲伯容士林之傑英譽斯宏壯猷

允赫朔塞宣勞西川樹節載稽獻簡以揚芬烈

周憲

宋以方

王廷桂

附

周憲字時敏安陸人弘治癸丑進士授刑部主事轉
員外郎上疏言事左遷充州府通判後復職進郎
中出補雲南大理知府擢江西按察司副使正德
七年閏五月華林寨寇胡雪二等大肆倡獬憲與
其子幹會僉事吳廷舉知府李承勛三面夾功賊
少却憲促兵迫之賊衆矢石交下我師敗績憲被
執首中刀血流被面左髀中鎗不能動猶大罵不
絕口賊怒肢解之子幹前救力戰墮崖死事聞

上命官祭塋贈按察使謚節愍官其子金為錦衣千
戶空同李夢陽紀其事

宋以方字義卿黔陽人弘治乙丑進士授南京戶部
主事轉員外郎進郎中正德戊寅出補江西瑞州
知府逆濠倡亂撫臣都御史孫燧副使許逵首嬰
其鋒俱死難賊兵犯瑞城以方義不受辱投江死
之

王廷桂字時英宜章人天順壬午鄉薦任江西贛州
府同知時巨寇派劫州縣廷桂率鄉兵征之死于
難事聞贈江西右叅議錄其子玠

史南曰宸濠于紀孽雄滔天華林嘯聚群奸伏
野周憲首嬰賊鋒不避艱虞宋以方載忤宗藩
投身瀕涇先是若王廷桂者亦赴義以死可不
謂忠乎贊曰淮南倡亂晁錯謀國綠林操戈劉
續懋烈節愍之謚今古一轍以方廷桂恥亦可
雪

劉憲

胡節
張璞

劉槃

劉憲字廷式益陽人成化戊戌進士拜監察御史歷
陞僉都御史巡撫寧夏此虜入寇憲募土兵禦之
于花馬池捷聞賜金帛有差後忤逆瑾逮繫詔獄

卒

張璞字中美江夏人弘治乙丑進士授知縣拜監察御史巡按雲南時鎮守中官役占軍士剝害邊氓璞重懲之忤逆瑾逮捕詔獄卒贈太僕少卿

胡節字國信零陵人弘治壬戌進士授行人拜監察御史巡按山東忤逆瑾逮捕詔獄卒贈太僕少卿劉槩字平甫今鍾祥人正德辛未進士授行人諫阻南征杖之于廷卒嘉靖元年贈監察御史

上遣官諭祭有云爾甲第登名大行列職

光皇整旅南征伏闕上章志存輦抵奸構禍咎責而

亡追念忠誠曷勝悼惜特加褒贈延賞後人庶其子愛為太學生

史南曰漢自恭顯起西京而甘陵黨錮之禍至屠戮忠良唐自魚程起中唐而石榴甘露之變遂動搖宗社我

皇祖作內令中官不預朝政不假兵柄見高千古爾矣乃若劉憲為中丞張璞為柱史俱以逆瑾誣害死于狴犴嗟乎立法於涼猶懼其貪是故君子之待小人也常踈小人之伺君子也常密可不慎執贊曰范滂攬轡李膺登舟名高則忌節

亢則憂劉張之諂誰其招尤寺人有寵東都五
侯
或問曰姚善鄭埜劉儁何忘其死烈矣乃又及
于諸賢何居曰死有重于泰山有輕于鴻毛乃
若黃英劉廣輩之禦侮將死綏也汪洪周憲輩
之効忠大夫死職也劉憲胡節輩之扼姦諍臣
死言也故曰仁以為己任死而後已不亦重且
遠乎

楚紀卷之三十四

通紀卷之三十五

皇明賜進士經筵日講同修國史奉直大夫前翰林院侍講學士臣廖道南謹撰

樹節外紀前篇

夫節之時義大矣我朝廷無伏節之臣罔以寢
奸謀保宗社草茅無持節之士罔以激頑懦正
風俗是故為臣死忠為子死孝為士死友乃天
地之大義君子之全節也苟視國如傳舍視家
如仇讐視朋友如途人者安望其保節乎然則
有道者將何如曰甘節吉苦節不可貞甘苦之
宜聖賢居身之所珍也撰樹節外紀前篇

周崎 周該 桓雄 李義附 韓階

周崎邵陵人為湘州從事王敦之難譙王承使崎求
救于外與周該俱為敦將魏乂偵人所執乂責崎
臨以白刃崎曰州將使求援于外本無定指隨時
制宜耳又謂崎曰汝為我語城中稱大將軍已破
劉隗戴若思甘卓往襄陽無復異議三江州郡萬
里肅清外援皆絕於是我當活汝崎偽許之既到
城下大呼曰王敦軍敗於子湖甘安南已剋武昌
即日分遣大眾來赴努力堅守賊今散矣乂於是
數而殺之時又有周該者慈利人從父級宜郡內

史王敦之亂級遣該候湘州約譙王承甘卓起兵
勤王為敦所執擄掠幾死

桓雄長沙人少仕州郡譙王承辟為主簿王敦之逆
承為魏乂所執佐吏奔散雄與西曹韓階從事武
延並毀服為僮豎隨承向武昌乂見雄姿貌長者
進退有禮知非凡人有畏色因害之

韓階長沙人性廉謹篤慎為閭里所敬愛譙王承辟
為議曹祭酒轉西曹書佐及承為魏乂所執送武
昌階與武延隨從在承左右桓雄被害二人執志
愈固及承遇禍階延親營殯歛送柩還都朝夕哭

奠葬畢乃還時有李義者鄆縣人也陶凱檄至麾下分兵擊寇有功事平特被優賚厥後鄉人立祠祀之號其故地曰太尉原

史南曰田橫起海島而五百士咸從之既而橫死皆赴之豈所謂義士耶譙王露檄以彰王敦之罪圖恢晉室而湘沙之士從之如雲如周崎周該桓雄韓階者雖未從容盡道必其有以感之如橫也已贊曰忠義所激良心自見忠不避害義必赴難崎該破執階雄遭變武延李義禦災扞患

彭城

彭士然
彭萬潛

彭允林
天寶附

彭城辰州上溪州人其先出自漢彭宣之裔厥後有彭搆雲者唐天寶中以逸士徵不仕號其里曰徵君鄉有彭玕者仕朱梁為龍韜將軍封安定王城承遺烈仕唐為檢校司徒辰州刺史開平四年吳敖駢圍赤石城調所部征之被執不屈而死闔門受害鄉閭哀而壯之五季時有彭仕然者亦曰士愁力抗馬希範以保障其鄉樹銅柱以效伏波嗣孫儒猛納欵于宋錫以錦袍玉帶儒猛之後有允林允林之後有萬潛歸我

高皇帝乃封其子天寶為宣武將軍天寶之孫世雄
 世雄之孫顯英顯英之子世麒俱有聞于時云
 大學士劉健撰世忠堂銘曰彭之有姓實出錢鏐
 自唐而殷封于大彭蔭子及孫不可勝數族望宗
 馬號之曰祖周有伯窟自窟于茲黨類日興遂長
 其師秦漢而下屢至顯官事得其職民以寧安亂
 唐之季世亂起民有諱城者刺史辰州族人戴之
 願立其子事聞于朝朝議順旨自是子孫官守其
 地丹忱相照世美相濟由宋而元不去其任宣撫
 或加恩亦隨蔭

大明當天四海就平天寶獻寶稽守天庭

帝心嘉之授以原職旋加宣慰用柔遠域天寶拜恩
 矢心自盟惟忠與義誓竭丹誠迄今世麒聞命秉
 戍更歷七世忠議罔替昭勇昭毅累賜褒揚龍章
 命服邊郡之光彭氏所居有堂翼然表以世式允
 示家傳凡厥子孫於焉視事朝夕恪恭靡敢或貳
 上酬

君恩下光祖烈慎終若始永保臣節

廖忠

唐世曼 向貞

李景成 王夢應

袁顯 李叔審

廖忠其先婺州金華人唐昭宗時黃巢亂起徙家武

附節下已前

卷三十五

四

昌之崇陽與弟募兵捍寇有功封虎威將軍弟封
端國公大中間戰沒墮其首猶躍馬七里許宋淳
祐中縣令陳仲徵立廟祀之度宗時有名思齊者
嘉熙二年中周垣榜第二人今子孫繁衍先是有
廖思文思政思宥者未陽扞寇有功立祠曰靈顯
唐世旻字昌圖零陵人素驍勇狀貌英偉眼環齒露
唐昭宗時黃巢起世旻團結鄉兵保安間里劉建
鋒舉為永州刺史光化初馬殷據楚攻永州殺刺史
鄭封旻力戰城陷死之民思德義因祀為五代家
元祀以王爵國初封刺史

李景威長陽人仕高季興為水軍都指揮宋建隆中
王仁贍倣道江陵征張文表景威恐宋師襲已欲
伏兵攻之孫光憲不從景威扼吭而死宋太祖聞
之嘆曰彼各為其主不失為忠命王仁贍厚卹其
家

袁顯益陽人矮身長髯勇敢過人建炎間湘寇楊么
猖獗顯請于縣宰魏舜臣率鄉兵以捍一日賊傾
寨來攻顯極力鏖戰為賊所得賊欲用之顯罵不
屈投諸鼎鑊以死舜臣哀之具禮而祭
王夢應攸縣人初為廬陵尉元兵入寇夢應同邑人

陳子全起兵勤王自通于督府與趙璠相應及子全復萍鄉元將聶嵩孫遣來萬戶援之夢應遇于明甫嶺戰數合殺其曹千戶元兵敗子全中流矢死既而元益兵復戰又殺其來萬戶及首領六人後宋亡率百餘人入永新俱死於疫

李叔魯湘潭人湖南寇起衆推叔魯為千夫長率鄉兵千餘保障鄉土尋被衡山茶陵寇夾擊不屈死史南曰唐之亂始之者安祿山也終之者朱全忠也宋則助金以滅遼助元以滅金而宗社亦隨以墟矣廖忠列首驅策唐世旻戮力扞禦廟

祀血食固其所也乃若李景威袁顯之遇寇虐王夢應李叔魯之障里閭胥可嘉尚也已贊曰忠義在人綱常在國虎威神鋒死猶不奪世旻受戮勿浼稽血景威袁顯其功有赫夢應叔魯允昭厥烈

周儀

孫方武 陳嘉言

杜昉 李明

孫欽

王在

周儀武岡州人宋雍熙初舉進士官至諫議大夫為嘉祐直臣居家以邵陵田悉分宗族子湛天禧中進士孫欽宣和中進士時洞僚倡亂欽挺身往諭事平朝廷嘉之擢德州刺史死靖康之難

孫方武湘鄉人為潭州學正金兵入城方武率居民巷戰金人縱火方武被執死之今祀于學宮

杜昉 宋靖康時通判密州建炎初寓武陵適

巨寇鍾相亂執昉欲令從已昉大詈之遂被害

王在武陵人宋端平二年進士初受知于真德秀後

攝倅施州城陷死之

陳嘉言景陵人任宋為復州學諭開禧二年金兵犯

景陵城陷被執同室六人自沉于水而死

李明黔陽人高宗時任奪勇指揮使金兵入城從宣

撫使楊存中力遏其眾外援不繼死之陰其子守

中為進武校尉

史南曰志士不忘在溝壑勇士不忘喪其元若

周儀之諭夷孫方武之巷戰杜昉之詈賊孫欽

之禦寇王在之守城陳嘉言之赴水李明之死

難悉可書也贊曰孰不為事事君為大孰不為

守守身為大以忠死國以節死君儀欽方武昉

在嘉明白刃可蹈雖死猶生

譚昭寶

譚中立 譚端伯附 譚世選

譚昭寶字珍卿茶陵人父用武仕宋為提舉昭寶五

歲能讀五經知為文辭七歲應童子科中上第其

謝啟云七歲遠離于膝下九經流出于胸中著卦
兼太極之圖蓬矢效由基之射童科雖異文解則
同破雲州千古之天荒駕月殿丹梯之雲路啟傳
禁中理宗見而異之厥宗有譚中立者應童子科
仕至吏部侍郎文章治行為時所推有譚世選者
上書獻策補官凡五薦漕臺三為舉首著毛詩傳
二十卷史評八卷嗣後有譚端伯者字應元隱居
茶鄉平生以忠義自許當丞相文天祥舉兵勤王
率族衆以應之天祥與之劄曰湖南九郡汝實統
之後為元兵所獲令其供籍端書曰兩手撥開南

浦雲誰人似我一口吸盡西江水我自擔當竟不
屈而死

史南曰臣聞諸張龍湖云其母太恭人蓋譚出
也茶之雲陽山水明秀故屢鍾異才若昭寶之
穎敏中立之超悟端伯之舍生取義又人所難
者詩有之我送舅氏悠悠我思何以贈之瓊瑰
玉珮其是之謂乎贊曰譚氏諸君雲陽之秀世
傳忠孝天挺靈祐端伯之死揮毫自首西江南
浦澄清可掬

吳倫

祝松

張堂

劉昂孫

本朝夕前
吳倫字子常零陵人受業於南軒幼穎悟善屬文南
軒之帥江陵也倫從之及易簣倫有其傍乃曰蟬
蛻人歆之私春融天理之妙蓋以告倫也先是有
吳偕者登元祐六年馬洵榜進士左丞初察王公
謫居是邦屢訪其家名其堂曰聚德嘗賦詩有田
園九世四百載儒學一門三十人之句偕姪民瞻
民先與其姪孫徽柔登張九成榜進士俱以學顯
厥後吳庸登淳熙特科為容州陸川簿尉李接倡
亂庸與同郡徐邦直唐捷起兵禦之庸不克死主
師劉淳白其事

張鏜南軒之後益王立詔天下勤王鏜起兵衡山移
檄安化新化諸僚得民兵數千文天祥率兵出嶺
相與接應既而兵敗被執元叅政崔斌欲降之鏜
罵曰今日降而死何以見我祖魏公于地下斌命
述起兵本末鏜奮筆斥罵千百言斌怒殺之

劉鼎孫江陵人仕宋為翰林學士德祐末從二王至
崖山陸秀夫負帝赴海死鼎孫亦驅家屬沉海不
死為元兵所執榜掠無全膚一夕得脫赴海水死
祝松景陵人舉宋進士初調長水簿端平初以城陷
誓死守郢遺民立嗣祀之

史南曰張魏公起而經略湖湘時子敬夫克贊廟謨與諸賢同心戮力吳倫講學惟明張鏜嗣徽並美而劉鼎孫之赴海祝松之死難皆忠義之昭也贊曰魏公樹烈遺澤楚彊南軒懋學振緒江鄉吳倫張鏜于前有光鼎孫及松繼序不忘

江涯

向真 李宗可 李英 陳從龍 熊義山 王華 鄧得遇

江涯漢陽人宋南渡後以臨安為行在賈似道宣撫江淮聞涯善屬文逼令撰露檄涯曰此虜人中華既啗以利復誇其功吾寧就死所何以捷為似道

怒搃殺之涯母訣曰兒以直死可以下慰先人矣亦自投于江識者聞而哀之

向真麻陽人為陝州軍牙頭指揮時蠻寇叛真被虜罵賊不屈遂遇害事聞詔立廟贈內殿崇班由是黔陽及本邑皆有廟歲時致祭

李宗可黃岡人仕宋為池州判官善禦常破賊有功聞余闕死節遂拔劍自刎

李英嘉魚人義山孫也壬辰兵陷武昌英保障鄉閭癸巳冬元叅政阿魯輝募兵復武昌英率兵應募擒獲數千功授敦武校尉給以千戶銀牌白金四

鑑不受甲午秋斬黃祝寇以舟師遡武昌英兵多起江水死者相枕籍潘臬以英善謀奏授奉議大夫同知岳州府事以疾辭不赴卒于家程從龍作茂林說稱英懷超邁之才挾經濟之學拯黎民於水火馳英聲於江漢當時以為確論

陳從龍攸縣人元統壬申領鄉薦補天臨路令史廣東帥府掾歷陞江西行省叅知政事至正壬辰兵起從龍鎮永新紅巾寇攻城從龍領兵援泰和為陳友諒所執不屈遂竄之安陸死

熊義山安鄉人累官元萬戶倪文俊起兵執縣尹張

繼和義山保障黃山拒之後文俊襲執之不屈死王暉字日華咸寧人宋樞密副使襄敏公之孫也宋末元兵南下衆心危懼無倚暉乃集少壯數千結柵以保邑咸寧賴之以安

鄧得遇其先邛州人徙居湘鄉仕宋官至靖江府太守元兵陷城得遇服朝衣南望再拜書片楮云宋室忠臣鄧氏孝子不忍偷生寧其溺死彭城故居乃吾潭里屈公子平乃吾伴侶優哉游哉吾得其所遂沉于水

史南曰臣攷諸通志乃見夫江涯死于權臣向

真死干鬻寇李宗可聞余廷心之忠乃以身殉
陳從龍被陳友諒之虐至不惜死鄧得遇禱南
嶽山之神熊義山遭倪文俊之亂獨抗志不辱
焉若王暉李英者又不幸中之幸也贊曰天涯
扼權向真扞寇宗可赴義從龍被構義山從令
王暉守要得遇沉水汨羅之澳

楚紀卷之三十五

楚紀卷之三十五

皇明賜進士經筵日講同修國史奉直大夫前翰林院侍講學士臣廖道南謹撰

樹節外紀後篇

尹伯奇

鬻拳 陳平子 古初 董永

尹伯奇周內史吉甫之子也鄭志繫之房伯奇有孝
行其後母譖之葺荷為衣采葶花而食履霜援琴
而鼓之歌曰朝履霜兮晨寒考不明其心兮信讒
言孤思離別兮摧肺肝何皇天兮遭斯愆痛殘不
同兮思有偏惟顧盼兮知此冤

鬻拳鬻熊氏之支裔也通志繫之郢拳事楚武王驟

諫不納而自納于刑

吉初長沙臨湘人光武時遭父喪未葬鄰家失火初
匍匐樞上以身捍火火為滅太守郅憚甄異之
董永千乘人東漢末避兵孝感家貧傭耕以養父父
沒貸錢里人裴氏鬻身為奴以葬之乃感神女織
絹以償永卒亦葬于父塚側遂名其邑曰孝感
陳平子長沙人為太學生與范式未相邂逅遭病將
亡謂其妻曰五聞范巨卿可以托歿乃裂素遺書
令其妻埋屍式之戶側式還省書感愴乃營護平
子妻子歸瘞臨湘向墳揖哭以為死友妻素書于

樞而去兄弟聞之訪求不獲見長沙上計掾史京
師上書表式行狀

史南曰孝通神明信孚豚魚豈其然乎伯奇履
霜未必如大舜之浚井也鬻拳納諫未必如比
干剖心也然而取法乎上僅得乎中是故君子
求至中焉止矣乃若古初以身捍火董永以身
傭葬陳平子能知范式不以死生易心其賢乎
贊曰孝為行本可通神明節為士先無間古今
伯奇作歌鬻拳流聲古初捍火董永鬻身范式
高義聞者風興

司馬芝

雙泰貞 庚域

殷不害 庚括

樂頤之 村叔畊

樂頤

司馬芝其先河內人漢末避亂嘗出遇寇同行者皆棄老弱走芝獨依老母寇以劍加芝叩頭祈哀母老無養寇曰此孝子也殺之不義捨之後仕至河南尹爵關內侯

雙泰貞隨州人南宋時沈攸之攻郢城招集才力之士泰貞召不肯來攸之遣十人被甲追之泰貞射殺數人欲過家將母去事迫不獲走入蠻追者至掠其母去泰貞聞之乃自歸攸之不罪曰此孝子也賜錢一萬轉補隊長

殷不害字長卿其先陳郡長平人後遇平江陵不害失母所在時值雪寒死者填溝壑不害行哭尋求水漿不入口者七日始得母屍瘞之江陵大建七年仕陳為光祿大夫司農卿弟不佞字季卿仕梁為尚書中兵郎迎母喪歸葬


樂頤之字文德其先涅陽人徙居南郡歷仕京府參軍父在郢病亡頤之忽悲戀涕泣因請假還中路聞計徒跣號咷遇商舟附載西上水漿不入口數日嘗遇病與母隔壁忍病不言恐母之哀已也相州刺史王僧虔引為主簿棄官去吏部郎庾杲之

嘗往候頤之為設食唯枯魚菜菹母聞之自出常膳魚羹數種杲之曰卿過於茅季偉我非郭林仕至郢州中從事

樂預字文介父臨亡執手託郢州行事王英預悲感悶絕吐血數升遂發病後官至驃騎錄事參軍隆昌末預謂丹陽尹徐孝嗣曰外傳似為不軌君蒙武帝殊恩不可同人人笑褚公至今齒冷無為効尤後為永世令卒

庾域字司大其先新野人後徙荆南梁文帝辟郢州主簿嘆其才曰荆南杞梓其在茲乎長沙宣武王召為錄事參軍母性喜聞鶴唳瑩域致之忽有雙鶴降庭及郢州平封廣縣子後軍司馬其子名子輿字孝卿父卒扶襯過瞿塘值灩澦水漲子輿哀慟水為之消有雙鳩巢舟中每聞泣聲飛鳴激切甄恬字彥約其先中山人數歲喪母哀感若成人嘗恨生未見父思成忽若有見居喪廬墓有鳥玄黃雜色巢于樹恬哭則鳴又白雀栖其廬始興王憺表上之梁主旌其閭後仕至安南參軍

杜叔毗字子弼其先杜陵人徙居襄陽蚤孤事母盡孝仕梁為宜豐侯蕭脩府幕參軍周文遣達奚武



圍脩于南鄭叔毗詣請和及還脩部下曹策劉晚謀以城降武叔毗手及策肢解之周文壯其勇既而遭母喪哀毀骨立服闋遷陝州刺史

史南曰孔子於大舜則曰大孝於武王周公則曰達孝夫孝而至于烝烝夔夔群后德讓斯其為孝也大矣孝而至于肅肅雖多士秉德斯其為孝也達矣乃若司馬芝之扞寇雙泰真之感蠻殷不害之瘞體樂頤之之嚙被庾域之來鶴甄恬之感雀杜叔毗之骨立夫匹夫而孝尚可以格幽明勵風俗而况聖人之大與達乎賈

曰司馬扞寇泰真感夷不害尋母頤之孝思及域來鶴甄恬受知叔毗忠孝可為世師

韓係伯

黃鳳麟 陳道周

尹怍 邵榮興

力僧護 王玄紹

蘇普濟 朱葆光

韓係伯襄陽人事父母孝謹棄之隣里種桑樹於界上為誌係伯以桑之蔭妨他地遷界上開數尺隣畔隨復侵之係伯輒更改種久之隣人慙愧還所侵地躬往謝之齊建元三年表門閭以壽終
黃鳳麟江夏人隋大業中舉進士累遷侍御史比部員外郎有文集十卷厥後有黃觀象者徙居于郴之興寧以孝聞

尹怱字守忠襄陽人父嗣宗居喪踰禮唐貞觀中持
蒙旌辟結廬墳側若將終焉怱時年十三竭力歛
畝勤苦備養父疾篤怱不解衣歷年形貌頽瘠幾
至隕滅父卒廬墓負土成墳朝夕號慟有紫芝產
墓側州將楊洪武奏怱誠信著於鄉閭淳孝通于
幽顯龍朔中刺史封道洪改其閭為南陵里張東
之為記子慕先字冬筠孫仁恕字南金皆有孝行
俱被旌表

力僧護江陵人父力昌死其母欲追薦之乏貲護時
五歲謂母曰何不將兒賣以易錢母乃哽咽抱市
鬻錢為之母後憶子目盲僧護隨客之蜀念母痛
死者數後還江陵尋母得見齋戒叩禱以水漱口
為母舐其目復明

孫普濟臨湘人南齊時居喪未葬鄰火將及舍普濟
號慟伏棺上以身蔽火鄰人往救之焚炙將絕累
日乃蘇

邵榮興武陵人與同郡文獻叔范安常范祖根李聖
伯俱累世同居無間言梁建武四年表其門時又
有零陵譚弘寶衡陽何弘亦以孝友聞
王玄紹江陵人弟孝英子敏咸相友愛凡有珍味必

本館外行
三三三
闔族聚嘗未嘗有異侯景亂臺城陷為所執二弟
爭抱持被害

朱葆光其先南陽人朱全忠篡唐葆光與唐舊臣顏
蕘李壽數輩携家浮湘寓潭州每遇元會長至節
必愁衣序立南嶽祠前南望號慟殆二十年後燾
歸葆光卜築衡山遂家焉子昂任宋見穆風紀

史南曰臣攷諸歷代史乃見夫韓係伯之居襄
黃鳳麟之徙郴尹怍之表南陔力僧護之奔西
蜀孫普濟之自投于火與夫邵王之孝友葆光
之忠節皆足以激薄俗敦古道而垂烈無疆爾

矣贊曰居襄徙郴孝思維則表里奔蜀我心孔
惻投火籲天歆報之德賜帛題額允揚先烈號
慟嶽祠不渝其節

樂京

黃琪
聶致克附

龐天祐

盛子克

樂京荆南人布衣時鄉里稱其行義事母盡孝妻張
氏家挾女弟自隨京村嘗見其面妻死令寢食于
外為嫁之嘉祐初詔訪遺逸以薦聞得校書郎為
湖陽赤水二縣令神宗求言京上疏以畏天保民
為請知長葛縣助役法行京曰提舉常平官言不
便使之條析又不報且不肯治事自列丐去提舉

官幼之詔舉著作佐郎經十年乃復官監黃州酒
稅以承議郎致仕元祐初召赴闕終于家

黃珙字君謨平江人宋熙寧三年進士為長沙簿時
章惇開梅山增稅畝誥請罷之遷知益陽政聲益
著尋居喪廬墓有芝產于塋祠事聞哲宗賜帛誥
表謝云白髮三千何嗟及矣紫芝六十胡為來哉
紹聖二年以朝散郎起知歙州集諸生講周禮開
迪疑義登科第者相繼後遷湖南提刑仕至太府
卿

龐天祐江陵人以經籍教授里中父疾天祐割股食

之疾愈又復病日喪明天祐號泣祈天砥之父年
八十有餘大中祥符四年卒天祐負土封墳結廬
其側晝夜哀號不絕知府陳堯咨親往致奠上其
事詔旌表門閭天祐家無儋石儲居委巷中堯咨
為徙里門之右

盛子充興國人親喪廬墓鄉里稱孝家藏書甚富題
曰萬卷閣子充與王黼同舍黼登相位一無所求
仕宋為朝奉郎

聶致堯邵陽人事親孝臨財廉周給貧困邦人德之
列舉孝行節義十事守宰以聞詔旌其門張南軒

為題其額

史南曰臣觀宋史乃見樂京之不行助役以其
所守之正也微志又載黃珙之講解周禮以其
所得之深也夫所守正則有定力而不苟同於
時所得深則有定見而不受變於俗至若天祐
子克致堯皆其天性孝友為之基耳不然曷克
茲哉贊曰安石變法海內紛更樂京力沮乃樹
厥名章惇啟釁湖南稅增黃珙論罷不渝其
夷攷諸子孝友思誠苟無其本曷克以臻

陳道周

劉琦
易炳文

譚景星
唐傑

周古象
杜古壽

徐偉

陳道周湘潭人幼孤貧奉母盡孝母歿廬墓側自
輒日成數塊歷四年斃墓高三丈道周亡葬母傍
鄉人樹碣曰孝子墓

劉琦臨湘人生二歲而母劉氏遭亂陷于兵琦獨事
其父稍長思母不置歎曰人皆有母我獨無輒獻
欵泣下及寇請於父往求其母遍歷河之南北淮
之東西數歲不得後求得於貴池迎以歸養凡十
五年而父歿又三年而母歿終喪蔬食有司以聞
表其門曰孝義

譚景星茶陵人父早喪惟母誨是遵及長教諭永明

人皆稱其孝恭定二年旌其門曰文學有行

周古象蘄水人元兵下淮被虜至薊贅蒙古氏既生

子未嘗喜妻問曰有母在欲歸省妻許之囑曰母

在當奉養勿以妾故復來及歸母尚無恙古象時

年四十餘奉養盡孝母歿廬墓妻亦終身不嫁准

西憲俞幹克莊為立孝里門

徐偉臨湘人事母盡孝母死毀瘠嘔血服除舉孝廉

不就去之陸渾解落山中教授生徒依之以居者

三百餘家歲荒貧不舉子者偉資給之人感其惠

子皆以徐為名偉有八子皆知名時號徐氏八龍

易炳文襄陽人元末隨父徙居沔陽父喪廬墓六年

時人多遣子弟從游池蓮皆並蒂人以為孝感

唐傑東安人生兩歲繼祖母蔣病目失明傑以舌砥

之目輒有見劇賊孔彥舟犯邑傑號泣負蔣冒賊

以出賊義而捨之母病封肉和藥以進即愈父亡

以舌砥屍廬墓哀震林谷紹興間郡守以聞詔付

史館賜以束帛

杜古壽慈利人母劉氏病篤祝天封股煮粥以進母

病遂愈事聞旌其門曰純孝

史南曰臣攷元史稱孝行者盈帙而湘南不多

見焉及觀通志乃見陳道周劉琦譚景星周古
象徐偉易炳文唐傑杜古壽諸人獨能堅持古
道以報其親可不謂節乎贊曰蓼莪之雅昊天
罔極凱風之歌聞者顛泣世至胡元冠履倒植
諸子克孝允為世則

黃珙

劉端

周琮

李智

范玉

黃珙字德溫郴州人登進士第出知萬載縣決斷如
流庭無稽訟儲穀備荒脩學宮範祭器怡懷流徙
練兵弭盜用部使者薦擢刑部主事執法平允如
雪正輔之寃辯劉雲之誣皆其大者也未幾陞江

西按察司僉事乞終養母卒結廬墓側哭聲振林
麓年七十五終

劉端字本正生母鄧蚤世幼事父濟以孝聞天順己
卯領鄉薦亞魁授潮州府同知聞父訃即匍匐歸
被髮徒跣數日不食治葬遵古禮廬墓三年不履
城郭服闋改西安府開涇陽廣慧渠鑿石引涇水
溉五邑田七千頃民立生祠祀之致仕歸囊無贏
帛而時享必豐潔事聞旌表其門進階朝列大夫
所著有東岡集

周琮字仲方崇陽人太學生性至孝洪武癸酉擢刑

部郎中戊寅遷浙江叅政調陝西偕戶部侍郎左
獻總軍餉于邊事竣還遇寇被害時年四十有八
李智郎縣人太學生任河南左護衛經歷居母喪貧
無喪資親負土為塋結廬墓側獨居三年

范玉郎縣人太學生授光祿署丞永樂間居父喪哀
毀盡禮既葬廬墓三年

史南曰天親不可以人為性也天道亦可以人
感幾也知幾之神相為流通則知性之真不容
矯偽爾矣我

皇祖以孝治天下立國之初表幽章節而

皇陵之碑根諸天性孝慈之錄關乎世教其繇來

遠矣黃珙自進士劉端自鄉舉周琮李智范玉
自曹監皆移孝為忠敷德樹教所謂求忠臣必
於孝子之門亶求然乎贊曰天道不顯厥類惟
彰人道思誠惟性有常后皇綏猷正直平康五
君克孝移忠允臧

劉祥 余瑛 王仕達 呂中 張機
林守成 雷湖宗 周明 藍純

劉祥監利人父魁領鄉薦任四川大足訓導卒祥哀
毀不欲生廬墓三年母龍氏卒祥又廬墓三年人

稱其孝

徐瑛岳州人早喪父為郡庠生家貧奉母僑居就廩
母終適天寒永汙跣屣扶柩以塋廬于墓邑有富
俠侵塋墓側瑛哀訴死守鳥雀芝草集產於墓人
以為孝誠所感成化乙巳知府李鏡上其事

王仕達衡陽人父喪塋盡禮廬墓三年哀毀骨立後
任山東陵川知縣蒞政公勤民懷其惠

呂中沔陽人初以人才薦授四川照磨父蚤喪奉母
極孝每夙興焚香四拜具甘旨及母喪廬墓朝夕
號哭三年乃歸弘治中知縣周端咨訪特表章之
張機祁陽人縣學生父歿哀毀骨立廬墓側三年正

德間有司以聞旌表里閭

林守成公安人蚤喪父繼母曹氏臨之甚嚴守成事
之益謹曹卒鄰家火風甚急守成升屋呼天俄而
風果返卒無恙時人驚為孝感

雷潮宗藍山人事父母竭力盡禮父先逝母存潮宗
事之愈謹母享壽百有三歲而潮宗亦年踰八十
執喪盡哀邑人稱之

周瑚字宗器邵陽人家貧性孝父亡旦夕哀毀不釋
衰經母嬰疾湯藥必親嘗夜顛天乞以身代割股
入藥奉之病遂瘥塋父負土築墓露股母怪見其

傷痕詰之始知其和藥也

藍純江陵人應貢將赴南雍以父年老不敢遠行知
府吳彥華聞之曰只此一念可當孝子矣及父卒
廬于墓側不忍歸士林題之

史南曰漢以孝廉辟士則刲股寢苦皆孝子也
唐以閑辭置科則嘲風弄月皆名士也何也上
有好者下必有甚焉者矣我

朝以科目取才惟其文焉爾矣以歲月致位惟其績
焉爾矣是故惇本尚行厚倫務實非出於天性
者未之能也劉祥而下藍純而上凡九人焉無

所為而為出於天性焉爾矣贊曰先王立教立
愛惟親表厥宅里樹之風聲諸子允蹈始于成
身盡性至命豈曰為人

徐綱

宋祐 陳鑛 張森 湯玉廉 程鳳 周昂 陳道
頴忠 楊秀 戴思明 廖崇信

徐綱應城人年七歲失父不如董事母盡孝後母喪
廬於墓側六年挑土成山手植竹樹成林有犬隨
其墓所鴉集林木綱日三號哭犬鴉亦為之悲見
者悚動

宋祐樊城人六歲喪父性至孝及成童痛父早逝事
母孝又善友其弟母病刲股和粥以進遂愈暨母

卒水漿不入口者累日寢苦枕塊餒粥

陳鑛施州衛人父隆樂善好施卒年八十先一日取大籠焚于庭皆負券也鑛性純孝母夏疾慮不起乃陳刀几上旦夜拜禱刀忽躍起自割筋左取肝方寸和粥進母以桑皮線紉其創母疾遂愈父母歿哀毀骨立殆無人形踰年而卒

張森施州衛人生而母目忽盲森常以舌舐母目復明人以為孝感

湯玉廉荆州人父病篤藥不效玉廉晝夜籲天父病少甦忽思肉食味不適口玉廉密割左乳肉和粥以進父食之其病遂愈廉亦無恙

程鳳監利人母病衆醫視之曰陰陽臟氣不定在所不治無能爲鳳倉皇默禱於天割股肉和粥以食母病立愈越三十年而終

周曰昂黃州人親卒哀毀殊甚塋廬墓寢苦枕塊者三年有白鳩營巢之異有司以聞旌其里閭

陳道荆州人父銘患風痺道朝暮奉養未嘗入私寢母秦氏蚤卒事繼母尤孝弘治戊午父母俱卒廬于墓側三年產靈芝數本太守劉節上其事

顏忠江陵人節婦劉氏之子劉忽遭風疾氣幾絕忠


乃禱于北辰割左股和粥以進劉病愈又明年乃卒時劉已九十而忠亦六十五矣遼王大書節孝立石于門

楊秀咸寧人年十二時有虎在途傷人秀與兄往救之虎復齒其兄秀即以斧斫其首兄始得脫秀扶兄歸他日暮其母又為虎所傷秀奮呼復以斧斫之虎遂死母得以全聞者以推子能致命護親嘉之

戴思明蒲圻人洪武中父祥遇虎於野亟往救之搯虎吭虎歿父乃脫得全其生里人稱其孝

廖崇信字德恒蒲圻人宋端明殿學士明略之裔也祖昇三卜葬于邑之槎林父均用負土成墳手植異松陰森秀茂歲時風鳴迴掃若神護植崇信幼習範經貢入太學選補武功衛經歷永樂靖難調雲南景東衛父沒哀毀踰禮服闋補任之滇扶母偕室嘉魚李氏步行萬里餘時驛郵遺騎迂之却而弗乘日夕供膳極其孝養母沒廬墓終其身史南曰人有恒言大山窮谷多三代之民以其朴誠淳質無所矯焉耳是故都不如鄉朝不如野豈其然哉孔子曰如用之吾從先進言文勝

之敝也茲自徐綱以至祖崇信孝根天性罔假
人為豈亦三代直道而行者哉贊曰至真無偽
至簡無文良璞不斷大音希聲之數孝子咸本
朴誠備書末簡楚邦儀刑



楚紀卷之三十六

